



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

González Téllez, Emanuel

Francofurti Ad Moenum, 1690

Capvt II. Alexander III. a Vvinton. Episcopo.

[urn:nbn:de:hbz:466:1-74544](#)

C A P V T I I.

Alexander III. ^a V'vinton. Episcopo.

Prohibeas attentiūs, ne in parochia tua pro licentia docendi ab aliquo aliquid exigatur, aut etiam promittatur. Si quid verò post prohibitionem tuam fuerit solutum, vel promissum; promissum remitti, solutum facias appellatione cessante refutui, sciens, quod scriptum est: Gratis accepisti, gratis date. Sanè si aliquis occasione hujus prohibitionis distulerit Magistros in locis congruis instituere, liceat tibi de concessione nostra omni contradictione, & appellatione postpositā ibidem viros providos, & discretos aliorum instruētiōni p̄fificere.

N O T Ā.

^a **V**'vinton.) Ita etiam legitur post Concil. Lateran. part. 2. cap. 17. & in prima col-

lectiōne, *sub hoc titul. cap. 2.* ubi additur *pars capi-*
pis Nuncios, ut cognoscamus, in præsenti referri
partem textus *in capit. nuncios, de decimis.*

C A P V T I I I.

^a Idem.

Quantò Gallicana Ecclesia majorum personarum scientiā, & honestate p̄f-
fulget, & eo cautiūs nititur curare, quæ confundere videantur ecclesiasticam
honestatem; tantò vehementiori dignos animadversione eos censemus, qui no-
men Magistri scholarum, & dignitatem assumunt in Ecclesiis vestris, & sine certo
pretio ecclesiasticis viris docendi alios licentiam non impediunt. Cùm autem hæc
prava, & enormis consuetudo à cupiditatibus radice procedat, & decorum admodum
ecclesiasticæ unitatis confundat, providendum vobis est, & summope-
rè faragendum, ut consuetudo ipsa de Ecclesiis vestris extirpetur, cùm vobis p̄-
cipue, & specialiter adscribatur, si quid in Ecclesiis eisdem laude dignum invenia-
tur, vel reprehensione notandum. Sub anathematis ergo interminatione curetis,
ne qui dignitatem, si dignitas dici potest, fingentes, pro p̄fstanta licentia docendi
alios, ab aliquo amodò exigere aliquid p̄fsumant, sed eis districte p̄cipiatis, ut
quicumq; viri idonei, & litterati volunt regere studia litterarū, eos sine molestia,
& exactione qualicumque scholas regere patiantur: si verò nostræ prohibitionis,
vel p̄cepti extiterint transgressores, eos nostrâ auctoritate, & vestrâ, officiis, &
dignitatibus spoliatis. Porrò si juxta mandatum nostrum corrigere neglexeritis,
negligentiam vestram gravem habebimus, & molestam, & ad eam corrigendam
manū extendere compellemur, ita quod si velint in hujusmodi rapacitatis pro-
posito persistere, non valebunt.

N O T Ā.

^a **I**dem.) Ita etiam legitur in prima collectio-
ne, *sub hoc titul. capit. 3.* & post Concil. La-
teran. part. 2. capit. 18. Ex Vincentio tamen refert

Anton. Augustin. *in notis ad hunc textum*, con-
stitutionem hanc emanasse contra Cancellarium
Parisiensem, qui à quolibet publicè docente
marcham unam argenteam exigebat.

C A P V T I V.

^a *in eodem.*

Via nonnullis propter inopiā, & legendi studiū, opportunitas proficiendi sub-
trahitur, in Lateran. Concilio pià fuit constitutione provisum, ut per unam
quamque Cathedralem Ecclesiam Magistro, qui clericos ejusdem Ecclesiæ, alios-
que scholares pauperes gratis instrueret, aliquod competens beneficium p̄btere-
tur, quo & docentis relevaretur necessitas, & via patet et discentibus ad doctrinam.
Verum quoniam in multis Ecclesiis minimè observatur, nos p̄diū roborantes
statutum